



Alver kommune
Postboks 4
5906 FREKHAUG

Saksbehandlar, innvalstelefon
Daniel Almhjell, 5557 2150

Uttale til nydyrking - Alver - 346/4 - Åsebø

Vi viser til søknad om nydyrking av 8 dekar på gbnr. 346/4 i Alver kommune. Arealet som skal nydyrkast er klassifisert som anna markslag. Arealet skal fulldyrkast og nyttast til grasproduksjon. Søkjer har i søknaden kryssa av for at arealet det er søkt om er grunn myr, og at arealet er av vesentleg betydning for å oppretthalde drifta.

Ifølgje § 1 i forskrift om nydyrking skal nydyrking gjerast på ein måte som tar omsyn til natur- og kulturlandskap. Det skal leggst vekt på omsynet til miljøverdiar som biologisk mangfald, kulturminne og landskapsbilde. Det skal også leggst vekt på å sikre gode driftsmessige løysingar.

Kommunen skal etter § 5 i forskrifta også legge vekt på om det ut frå jordlova § 1 er ønskeleg å styrke driftsgrunnlaget på eigedomen, og om nydyrkingstiltaket legg til rette for driftsmessige gode løysingar. Statsforvaltaren skal i tråd med § 9 gjevast høve til å uttale seg der nydyrkinga kan ha innverknad på vesentlege miljøverdiar, jf. § 3 forskrift om nydyrking.

Arealet som er omsøkt er i kartlaget «myrinformasjon» i Kilden registrert som djup myr. Vi minner om det generelle forbodet mot nydyrking av myr, og at det skal svært gode grunnar til for å dispensere frå dette. Alver kommune må vurdere om det i dette tilfellet er grunnlag for å gje dispensasjon frå nydyrkingsforskrifta, og om vilkåra for nydyrking av djup myr kan oppfyllest.

Med helsing

Bjørn-Harald Haugsvær
assisterande landbruksdirektør

Daniel Almhjell
rådgjevar

Dokumentet er elektronisk godkjent